

宗旨

一體三身皆由自己三處號頭四箇秘諱九
字靈章風雨立至揭陰鎮陽馬晟吉利

內蘊

法自先天玄妙處無言可說其要在守乎中

正靈臺登徹太一神居玄谷府先天炁入玄
關穴寂然不動感而通憑剛烈運風雷祈雨
雪役鬼神祛妖孽只此是非符非呪非罡訣
體用在存神通妙處功成行滿仙班列着太
虛隱隱駕祥雲朝金闕

坐鍊功夫

溟滓鴻濛未判無年無月無時但憑消息報
君知便是人間冬至
驚腹駝腰目視騰三家相見結嬰兒踏翻斗
柄乾坤轉倒湧黃河雪浪飛

法師平常積功累行固不必言矣謂如陞
壇行第則須凝神靜定閉息綿綿瞑目練
神密運內旨金精木液真炁真神我即元
始元始即我機動則神聚念動則彼應若
精炁不全想念妄雜此造化之外事也又

何益耳詩曰天罡逐太乙太乙逐天罡風
雲雷雨電隨念應其方

祈禱行持

具職奉行祈禱事小兆_臣姓_某誠惶誠恐稽
首頓首再拜上言恭聞

皇上帝有感斯通赫赫雷神無遠弗届_臣
謹恭炷真香虔誠奏啓供養

无上大羅昊天至尊金闕玉皇上帝句陳上
宮南極天皇帝紫微中天北極太皇大帝
九天雷祖大帝太陽日宮帝君太陰月府皇

君北斗九皇上道帝君天罡大聖星君普天
一切星宰天地水官三元大帝北極天蓬天
猷翊聖三天上帝萬法教主紫皇玄天元聖
仁威上帝祖師泰玄都省金闕四相真君本
法祖師仙姬白元君祖師火師汪真君靈惠

神虛通妙侍宸王真君上官二三真官鐵壁
鄒真官月鼎莫真人宗師無為陳真人存心
李先生秀峯鄧先生太和黃先生前傳後度
諸大師真天下名山洞府嶽瀆主宰真靈當
境山川社稷河源潭洞掌風雲雷雨主宰神

祇本郡城隍祀典之神太歲諸煞神君玄虛
過往感降一切真靈恭望聖慈俯垂降鑒普
仗真香悉同供養_臣今謹為入意勾行祈禱
雨澤救濟旱傷事伏念_臣某蒙因慶幸叨佩
法階誓濟生民宣揚道化茲者既承詞懇敢
不奉行未欲自專先伸啓告伏望矜憐愚昧
俞允情悰賜降綸音告行三界旨命官將顯
助神功庶俾行持克臻靈感但_臣未下情不
勝虔禱之至謹啓

召合

雷電號令急如風火十方三界頃刻遙聞以
今雷電都司執香稟令飛符召請
先天一炁火雷飛捷報應使者張神君急至
唵吽吽乾夷救乾兌卦統雄兵允良官封鬼
尸且離宮駕火輪維北海湧波津坎人門撼
地軸坤震雷霹靂轟震狂風摧山嶽異使者
出天廷中_{手飛足步}念心存吾奉上帝勅召五雷雷
奔電激助吾行威天將天兵互換相隨掃蕩
妖孽摧魔伐非神光所照萬惡俱摧流鈴急
召雷火奔飛唵吽吽吽吽吽吽四目老醜準令

急至太虛真太靈真吾奉紫微君急召雷部
神雷部神速奔馳如康民疾如

清都上帝律令雷轟電掣動三界急召

先天一炁火雷飛捷報應使者張神君速至

天聲天聲雷動萬靈霹靂一震隨律令臨下

今密誦一十六字秘呪云

唵喇吽唵喇吽唵喇吽唵喇吽唵喇吽

右呪存字字金光如雷音震動雷神悉皆

拱聽再密念七十二字戰雷章

唵吽吽波叱婆伽馬晟咭喇順帝唵菩提野

伽末伽火支火潑火輪盤盤嘉律哈哈審審

誅誅百靈和盧帝叱叱婆推訶金頭賓那郭

吉刀真加帝微三昧烏真火泥帝孽帝訶句

尼帝孽訶

一起雷震于二起閃電丑三起喧轟寅四起

震動卯五起飛沙走石辰六起雷車大轟霹

靈攝午出

收視返聽集精氣於太定光中密運天罡

秘旨雷音發出怒目一視使者現前

杳杳冥冥天地同生散則成炁聚則成形聞

呼即至遇召即臨適伸召請先天一炁火雷
飛捷報應使者張神君已休臨壇所有詞因
謹當宣告

執事讀詞意獻茶酒畢發遣念呪曰

火雷使者職事直符威靈捷疾身同太虛升

天入地報應須臾傳令雨師預告雷部今日

今時顯現壇所速來速去速去

右呪畢對殺方焚符丁罡下令作怒一喝

左是一頓地戶想天開地裂兩目神光直

送使者而去

作符秘訣

先須設案焚香點檢紙筆俱順却却神靜

定端坐密運精炁神會聚于一取筆于手

祈雨則用覆手取筆密誦心呪定良久

祈晴則用仰手取筆密誦心呪定良久

消息一到作意下筆一點于紙乃使者先

天之炁已成奮身丁立乘怒意一筆掃成

意與筆俱轉炁與筆俱運並無間斷恍惚

之間心與神會將遂令行倘能明此火雷

變化之妙而知元始祖炁之初悟陰陽動

靜之機曉體用倒置之理符呪罡訣炁號

竅信洞然無疑矣

本將符體初無正形務要筆力勁健形勢

急燥精神聚會意炁相隨一筆而成書畢

即遣發而去不可久滯

如祈雨作符時須存以現作天池磨墨之

際天翻地覆上下陡踏足踏斗柄如是則

用筆一掃成為妙

靜定作符祈雨者一天黑霧布滿

意一點祈晴者一團真火炎上

就布

五雷

乾象成形

下分兩足

入隨用

入就早隨意

諸號

陰爻轉祈晴


上出筆祈雨向下出筆發

伐向長出筆揮麥向與出筆

新勅五雷入諸

號隨月出筆

符皆




陽兼陰精三界朝 祈雨炁書
陰包陽炁九霄寒

日(在書文)「」者...「」者...「」者...

於中小圈內書分字及諸號入總號押元
孔生今四字於小圈上下其左右則按其
四季虛 閱乾 更大三號乾自異出
書四點 破吳

復於符面上作異即五方靈雷也
共二十五筆而成天地生成之數也



捧奏



待雨



祈晴



符背
用九州社令詳蓋使者乃意神
也一項刻間走捕九州故用兼役

對 亥 對 亥

春 元孔分主令
景 華
夏 元孔分主令
華 景

對 亥 對 亥

秋 元孔分主令
華 景
冬 元孔分主令
景 對

右九字祈晴從火旁祈雨從雨頭然伐從
鬼旁符竟作怒用天罡逐太一遣去

號信

團 亥
女子分離造化
一點落筆成諱
元皇德禮
玉帝親機

足 符背乾
上書
符背異
混明
太

其諱 龍起電 天罡
其諱 龍起電 天罡
其諱 龍起電 天罡

大乙 龍起電 天罡
其諱 龍起電 天罡

景 符背
三 亥
符背
聲出
雷

電 龍起
龍起 龍起
龍起 龍起
龍起 龍起

魁 龍起
龍起 龍起
龍起 龍起
龍起 龍起

一 炁都督雷府
本府恭準

上帝救命今據入意領詞難抑除已具奏
帝廷申牒 真司威祈照應祈禱外合行

元降符命檄請施行
符位

右符檄請

先天一炁火雷飛捷報應使者張神君部領
蔣壁華雷陳天雷五使者馬郭方鄧田蠻雷
五使者王張石關蕭嶽雷五使者雷公電母
風伯雨師五方日遊雷神合部雷兵即今轄
起九州社令本處城隍側近廟貌里社之神
本境古蹟靈壇溪潭洞但干祈禱去處火
急依應承檄內事理的於某日某時前來某

處大降甘雨普濟焦枯庶使五穀豐登萬民
安泰符檄所至雷霆奉行
天皇符命如 帝親臨稍有違慢
律令有刑故檄

某年某月 某日某時告下
具位 臣姓某 承詔奉行
句陳上宮南極天皇大帝

天皇符


○ 腹喉嚨咽喉喉嚨喉嚨喉嚨
○ 二林喉嚨喉嚨喉嚨喉嚨
○ 胸喉嚨喉嚨喉嚨喉嚨

八卦 請天皇呪
結頂塗面 天皇迦耶露塵
一 束 結頂 安呪囉蘇叱訶囉囉
裏 結頂 叱咭噉叱咭訶囉囉



天皇親機

依法書畢却正向南方存句陳天宮有金
釘朱戶天皇居中人首蛇身飛來纏繞吾
頭自覺重甚運太陰悉銜之舌尖虛書一
鎖字大作一聲點令脚一頓同聲而下存
天皇已入符上更以左目光左眼運太
乙炁暗之作一點於左圈內次於右兩旁
作二圈內橫畫作噓噓聲却書入圈內
首一 旗一 壇一月頭剪頭
雷公雷公大振威雄汝若不震吾罵汝祖宗
永為下鬼
天皇呪
天皇大帝南極至真炎火之祖句陳之精蓬
頭黑面人首蛇身口吐黑炁盤繞崑崙總持
萬化節制雷霆九天所主三十六禽上都九
天日月星辰中統五嶽城隍威靈下通河海
十二泉高北鄴九壘水陸陽冥神拒者滅鬼
拒者刑命令到處莫敢不遵天神地祇不得
隱形至尊所指御座親臨有不順者霹靂一
聲一聲一聲雨澤萬里




天皇親機

右檄作用時須先設香案一隻對太陽安
頓用黃紙筆硯磨墨齋備候法師出定上
香啓告真師宣白詞意飛神朝謁請降梵
炁天章請頒雷神到壇承領文檄叩謝而
起却依法作檄大怒擲筆於地烈火焚檄
下令發遣存雷神發怒疾飛而去

詩括

山南山北一聲雷撼動乾坤索箇閑潭底老
龍眠不得轟亨飛上九天來

夫山者指心而言南北者陰陽之謂乾坤
者水火之謂也老龍者元精也蓋不凝則
五行不攢真炁漸滅所謂金木間隔不能
成丹也如凝神入定水火自然交媾不在
勉強作為真炁調暢則華池甘露洋溢而
消息自然至矣



天皇親機

暗則左機先動
兩則右機先動

踏翻斗柄造化一名烹山煮海

山者心也海者元海也斗柄者亦心也蓋天以斗幹旋造化人以心圖萬事凡作用須靜定候消息至則縮水殺道緊咬牙關閉炁以鼻引清炁歸心不可出炁則心自搖動如炁沖塞上運至頂則電光亦入斗矣腹中鳴動則為雷矣雷電既作則雨亦降矣

倒湧黃河一名捲水擒龍

靜坐消息一至以舌柱左竅縮殺道陰炁自然上升從頂門送下華池甘露降而為雨候華池水滿甘甜妙甚決有大報應此不假作為而然也子以午應丑以未應

動雷陰陽激刺而成

候消息至若左脉動以赤龍捲下按定左脉令右脉動存中宮有一捨字則又按左脉存一靈字如此三次却嚙下中脘必須腹中作雷聲響動以襟字發泄入符背妙在閉炁標作咳一聲雙手結雷局以天罡逐太乙激起大震如雷於壇所旋遠震動

即運天罡遣去

使者以膽為體以怒為用雷霆乃天之威人以怒炁合之聲震萬里警誠無道怒合之說要緊閉二目內視二腎塞三穴怒火降真水升極陰激老陽身中消息觸機而動念頭到處雷亦到彼雷聲若在四山或在乾上響動宜用詔詔之

玉詔 ○ 切密念玉皇誥七編陰之

如雷在雲頭上鳴而無雨到壇則用勾雷法用黃紙半幅書○轉過來到下一直落即焚之立效兩在則東起筆則做此凡雷震雲頭風從對起雷請太乙運天罡于雷上復過雨後喝雷神於此大降甘雨令牌一震吾策乃行

停雷

消息至起雷丹田有聲用揭陰鎖陽法誦戰雷章章見詩曰

七十二字戰雷霆切莫高聲密作聲緊把局頭敲異戶風雲雷雨一齊傾

握固如嬰兒丹田左為雷門右為雨戶以

兩手雷局相勾按住臍下鎖住陽炁揭開背脊陰炁自然上升

起電

書陰靈三統於異一如起雷作用

起電

混明 先靜後動如混沌初生日月

陽左上陰右下三次書符背

鞭龍起電

夜靜面壁俛有跌坐兩手背文閉眼鼻口不出氣逆氣自鼻而下其心搖動則電光掣斗須要天上有電光掣動方罷務要如是做得有電時次日方可登壇

起風

焚香以嚙字發之後靜坐消息至驚恐貌以刺風起令善哨者哨之以旗引之吹令群童噉之風即起

止風

焚符後即靜坐閉息納所起之風于一所監定緊閉仍右手執鉢左手引袖兜風吹

握天皇訣緊把右手迎風覆之令人勿作聲頃刻乃止

斬虹

雨至為虹所截即墮壇對太陽右手執令左手劍訣又腰手足目皆書雲說與雲掩


日太玄炁布身却轉身向虹步北斗罡至魁星劍訣對虹書一〇書焚或以太乙打天罡斬之又用天罡炁一口劍訣斬之以雷局引使者自虹提雨到壇更對虹作用雷鎖焚之

催雨

如雲厚雨不降須先召使者五雷諸將以祭儀祭之即發雷鎖符焚之步罡以左足頓地三下存天地陡暗黑雲衝上然後以雙手雷局從心趕自下竅出


若雨在他方不到壇亦以黃紙半幅書雷鎖符對彼發去

太乙雷鎖符



混明 容念玉誥七編作 烏杖鎖破玉皇殿

天罡符符天罡炁符後再焚此先靜定候消息至圓閉大慈提起筆於圓內重作一點即天罡也



符誥 天罡大聖萬文神王速前 雷門請降甘雨 某承請奉行

天罡符外

罡者四正為罡取四方之正中乃吾心也北有陰陽之斗天以斗幹旋萬化人以心主張萬事故心有七竅以應北斗指破軍為天罡者吾心中有竅竅中有淤血怒則臉紅乃其血上面俗云心火起也罡剛也強也怒則為罡天之斗自樞星至魁星屬陰自樞星至魁星屬陽心靜為陰心動為陽吾心在內則為廉貞在外則為破軍蓋靜則收心在內萬事不萌至廉至清在外則為破軍者怒發心馳勇於奔突雖有萬軍之衆亦能破也如張飛喝斷霸陵橋海水逆流三十里者是也

太乙律混明

太乙者乃會陰穴至陰之炁也其穴在穀道前水道後正陷中其炁低頭引腹縮二穴則

其炁自升即捲水擒龍妙用也

祈晴

天罡趕太乙 訣 以陽逐陰也

祈雨

太乙趕天罡 訣 以陰逐陽也

殺伐

太乙打天罡 訣 聲

怒發天罡以天皇訣引下塞殺道伺炁無容以無名指插大指中文天皇訣引下至廉萬竅俱泄大怒發去

緊用傾倒四溟法

以墨水一碗統筆書兩號發太乙趕天罡入內左手三叉訣托於頂上步四門斗底罡三轉身踢倒香案



北風飄飄至西雲鬱鬱來南丹鳳翔翔東九龍徘徊其人捧天符都領天雨雷末降崑崙上普救諸苦者 陰靈林三事俱發

又法

先用墨水一椀存為四深潑水再潑磨墨
存黑雲漲空以筆蘸墨重作一點同大喝
一聲入墨水與雷神合


封廟符



謹免
去將雷神前書字打本堂
社守土之神赴壇抵迎感雨
不許廟食以伺雨後令符到
日方許還廟

右用黃紙一方幅作用正面書五諱背後
全書玉誥依式對角剪破作兩片以一片
如前批行於剪破時用墨添一口呵剪處
仍押字焚之存留一片雨後書牒符之

信雷盟



一踏天地暗子二踏萬里光丑三踏諸星暗
玉吾身是雷王巳雷公未電母午風伯
吳雨師子五嶽未四瀆申天下城隍酉雷霆
三省戌玉帝有敕亥命令天皇子雷祖大帝

丑役使九罡先漢源潭洞中聖井龍王神雷
轟八極午震震十方巳稍有違慢未攝赴魁
罡巳急急如九天雷祖大帝律令

詩曰

三七二十一青天轟霹靂若人過此罡破地
召雷畢

行持備論

凡用建壇祈禱若非山嶽洞觀必擇清幽潔
淨之所庶俾專誠神祇來格亦須隔宿奉申
天關真司關牒雷將及山川潭洞龍神之屬
定限某日某時報應亦合預先數日坐運工
夫減炁調息庶幾書符行事心神不亂一誠
可以感通

次日觀景象四山明明天日炎烈此時越要
加誠不可懈怠端然靜室打坐自己消息到
來即是風雲雷電交作依然坐定不動直候
雨降久則方起如風雲雷電不應即合陞壇
如法催降大槩陰陽激刺之義彼動則我靜
彼靜則我動要識此機若動靜同時決然不
應也

陞壇先看方向雲雷風電俱在東南方上起
乃是三帥之驗或雲雷在西北方必須動雷
起風吹過東南此時作意西北劬訣書祖符
入號竅雙手雷局丁罡運天逐去頃刻見雲
雷漸過東南矣

如至期不雨烈日當空乃就壇發檄乘怒興
雲掩日作意催召風雲雷電雨一應再加檄
約時的降雷不怒則不鳴心稍退則不誠祈
禱之要須知此理方可取應

几祈晴則與祈雨法不同蓋因積雨久陰欲
得開晴甚難於大早祈雨亦須端坐凝定運
用工夫了無一事一物相干心目相映上無
浮翳下絕妖塵中心瑩徹覺如秋月在天春
陽照水神炁通暢身心清爽愈久愈悅天炁
開明法師果能致此地又何慮帥將之不靈
符竅之不驗也十七

書符用金元一筆掃成若筆力枯燥外景又
無觸心之事其符必應
陞壇先運金元布滿壇場內外號召使者起
大風掃退陰霾運金元書燦見天日依然定

日約時陞壇取效

莫真人示諸法子云大凡祈禱雨暘要知動靜變易之機陰陽盛衰之義靜極則動動陰極則陽生此理明矣假若天心人意相關晴亦可雨亦可又何待符章而後應

祈晴以心為山以臍下為水依法書符不入雲雷雨號只入晴號靜坐水不上升但是火炁上昇沖滿天地召使者焚符存金光滿空使者掃開雲霧顯露陽光


几書捧奏符三處加號魁加兩翅太乙逐天罡發去存滿天金光火光

雷霆三帥心錄

世系

太昊代燧人氏
祝融太昊長子即南斗大官也
鬱光太昊次子即火神帥也

炎帝 繼太 黃帝



隆延 帝學 父子

昌意 黃帝 次子 自七

顓頊 昌意之子 少昊

華難極 隆延次子 即辛帥也

扶風黑歷 長子 隆延



事實

玄風夏五日在星海瓊子讀雷典于紫清福地故涼風生楠香霧霏憲神光洞融几格炷噴有客自中庭來止揖予謂曰子志心道法掌握雷霆議事丹章已命之矣上古有五神火今帝以三帥主之神火之自出三帥之宗

源可得聞歟子曰坐我明語客傳有之曰太昊伏羲氏風姓母曰華胥感履大人之跡而生后蛇首人身代燧人氏以木德王天下受龍圖之瑞以龍紀官觀天文察地理畫八卦分九州造書契制婚禮作網罟教佃漁養犧

姓克庖廚在位百二十年有子二人長曰祝融字伯齊即今南斗火官也次曰鬱光字伯溫即今欽火大神也此鄧帥之所自出也炎帝神農氏姜姓母曰女登感神龍而生后牛首人身繼太昊以火德王天下受火星之瑞

以火紀官教種百穀日中為市致天下之民聚天下之貨交易而退持鞭味草而建醫藥重八卦為六十四在位百四十年無嗣黃帝有熊氏姓公孫名軒轅母曰附寶感雷光繞斗樞而生后代炎帝以木德王天下受景雲之瑞以雲紀官作舟楫立棟梁為杵曰利萬民制弧矢以威天下戰平蚩尤在位百年有子二人長曰少昊次曰昌意少昊金天氏乃黃帝長子也已姓名摯字青陽母曰女節感星如虹而生后繼黃帝以金德王天下受鳳凰之瑞以鳥紀官始用度量命四民立四時在位八十四年有子一人曰蟠極顓頊高陽氏黃帝之孫昌意之子姬姓母曰昌僕感星貫月而生后繼少昊以水德王天下后不能紀遠始命官牧馬在位八十四年有才子八

人曰八凱蒼舒饋數禱戲大臨虎降庭堅仲容叔達是也帝譽高辛氏黃帝曾孫少昊之孫蟠極之子於顓頊為從子繼顓頊以木德王天下在位七十年有二子長曰倭生木子八人曰八元伯奮仲堪叔獻季仲伯虎仲熊叔豹季理是也次曰隆延娶陳鍾氏生扶風黑歷及華難極此辛張二帥之所自出也鄧帥名鬱光字伯溫以功封于鄧墟因以為氏本出風姓故號曰風后溫世疑鄧帥姓溫風后非蓋后者氏也猶今之王氏劉氏木郎呪曰流晶鬱光奔祝融顯然指出名諱而十七史溫元經則伯溫為字明矣離騷經曰帝高陽氏之苗裔兮朕皇考曰伯庸伯庸實出太昊至顓頊時其後為大正故係高陽斯為可證也辛帥諱漢臣本法呪曰真諱龍延龍字者豈非隆延之誤乎又曰左華右極真諱真名而龍函經以難字作未字註曰雷神名則上為華下為難字明在其中矣帥本高辛氏之後以祖之字為氏故辛姓漢臣者乃難字拆開耳於此知辛帥正隆延第二子也張帥諱

霸陽從日諱陰從月諱十七史曰扶風之子曰擊收明明字即陰陽二諱之義故號曰曜明以功封於張地因以名氏故張姓本法有收執符即擊收之訛耳符上勤同字曰瑒書時默呪曰天皇有命令隨吾行蓋瑒乃古草

書韻字天皇即伏羲氏內號本君令臣之意顓頊以水德王取水尅火之義又於符上用北靈黑歷四字豈非前史所載本父命子之意黑歷乃帝譽之孫帝譽以木德王取木生火之義帥本帝譽之後帝譽繼顓頊有天下故書韻字以制之由是言之雷霆三帥本一家人也自前至今莫不知主帥為欽火鄧伯溫判官為負風辛漢臣使者為直符張元伯欽火者神首之名也負風者乃扶風之訛也即以父兄之子為氏之義直符者主直雷霆符命之職也鄧辛皆是而張名獨非蓋元伯乃霸字之訛耳而受法之士不究本末因下界直符有張元伯之稱而名之不幾於穹壤乎太玄黃庭經內傳太乙白虎則指天皇為南極長生大帝華胥為元天大聖母軒轅

為紫微煙都帝君此又主判雷霆之祖帝也予非末奇按諸經史世傳雷象天章自九天玄女流派以來今人皆非上官先生欽火真形符趙房州辛判官符馬真官張使者符莫明祖炁各主一見遂拆裂而為三殊不知獨體者妙用歸一混合同玄之意也受法之士但知有三帥之符便有以為三帥妙用如此行持不靈元怪蓋本法以鄧帥在心辛帥在膽張帥在腎皆按其祖所王天下之德自天一生水地二生火天三生木而論火不假土而激豈足以濟其炎木不假水以澆豈足以發其秀況木能生火土獨居水火之中實主五行不然莫獨稱三帥辛獨居其中蓋土初之前火耳昔有神五人猪首人身又在三帥之前即玉經所謂雷大雷二雷三雷四雷五是也若三帥混合之後加入此五員以陰陽生尅作用木郎呪以蓋之運霹靂兩邊合起雷火以激之山傾谷沸霹靂迅發雷光奔飛却加入鳴滅攝直下藏陽出陰祈晴禱雨轟滅淫惡復以腥煙合同加罡觸發加以欽火

太乙真符大然役使社令神祇夫如是而取報應碩不偉歟言既畢日月明雷電耀風雨聲大神降都督形使者出躬服膺繞座三匝共立弘誓曰吾等三神素扶玄化人心道法杳杳莫明間有靈者格其誠耳公今一旦顯

微聞幽歷窮所據用之既勿疑授之碩不輕可謂法海之砥柱後學之津梁符到奉行吾當力是倏忽之間寂無遺響天無浮翳四炁朗清神客垂失予亦大悟因筆于牘以示後人

雷典曰吾知汝名吾知汝姓汝若不至罵汝祖公比挾長而問者也然則役召雷神可不知其所從來乎烟都學士蕭越騰訪我峯寂暇日對評議事丹章因及三帥心錄一生二二生三如指諸掌於此始知雷霆亦有內譜爰繡于梓嘉與後學之士共之抑玉經有云汝名天下知今天下知之矣瓊瑤紫清真人白玉蟾述

道法會元卷之八十二

道法會元卷之八十三

先天雷晶隱書

主法

高上神霄玉清真王長生大帝

梵炁法主斗母紫先天后摩利支天大聖

師派

祖師青華帝君李諱亞

祖師雷霆啓教火師白洞靈安真君汪諱守真

祖師金闕侍宸靈惠冲虛通妙真君王文卿

宗師高明君洞明白真人諱玉蟾號海瓊

顛蓋道者雲中散仙金真人諱達字志遠

學仙童子方舟道者陳諱因清字仲濟號方舟道者

寅憲玉隆先生趙諱五隆字子寅號寅憲先生

鐵心道人閔諱肅字子文號鐵心子

將班

欽火律令大神炎帝天君鄧突

雷霆都督鐵筆注律大神青帝天君辛剛

先天一炁飛捷報應使者賜谷神君張珏

雷霆傳音捷疾使者嘯命風雷神君張珏

雷霆發號都督使者太乙鐵甲神君張亞

廣一

陽雷五大蠻雷使者

馬魯 郭元宗 方仲高

鄧拱辰 田元宗

陰雷五大蠻雷使者

蔣剛翰 畢機 華文道

雷歷 陳石

雷公江赫冲 雷母秀葵 風伯方道彰

雨師陳華夫 雲吏郭秀

天母聖相

主法斗母摩利支天大聖

三頭八臂手擎日月弓矢金鎗金鈴箭牌

寶劍著天青衣駕火輦輦前有七白猪引

車使者立前聽令現大圓光內

專持服色

一炁掌令賜谷神君張珏字元伯

先天之神本無形象乃意神也以後天言

之其形風鬚環眼朱綾肉角翅身亦色徧

身金書天篆文足如龍爪頭戴天丁冠身

著紅裙曳綠風帶左手持天皇今右手執

敕召雷神皂旗跨井木杆自太極化形稟